



Plata dla Ploania Antermëia Sant'Antone Abat

Ploan: **siur Klaus Sottsass**
E.mail: klsottsas@rolmail.net

Tel. 344 1554055

UNITÉ PASTORALA



VAL BADIA
www.unitepastorala.org

Ann A **29.03.2026 - 05.04.2026 - FESTA DAL INGRES DE
GEJÚ A IERÚSALEM | domënia dal orí**

n. 18

Le Re dla pêsc

📖 Mt 21, 1–11 | Is 50, 4–7 | Fil 2, 6–11 | Mt 26, 14 – 27, 66

Dal Vangele do San Mt 21, 1–11:

Canche Gejù ê a Bèttaghe söla Munt dl Orì, àl ortié dui discepui danfora y ti à dit: Jide tl païsc che é dan os; dailò ciarëise na müscia tacada y n polorin laprò. Destachédela, y condejedemla! Y sce zacai ess da ves dì val', spo respognede: Le Signur l'adora, al la lascia defata condüje derevers. Chësc é sozedü por ch'al s'adempliss cí che é gnü dit tres le profet: Dijedi ala fia de Sionn: Cíara, to re vëgn da tè. Al ô la pêsc, y al raita sön na müscia y n polorin, söl polorin de n tier da port. I discepui é jüs y à fat cí che le Signur ti à dè sö. Ai à condüt la müscia y le polorin, à metü sü guané sön chisc y spo s'al sentè lassura. Tröpa jënt destenô sü guané ia por strada, d'atri taiâ jö rames dai lëgn y les sternô ia por tru. La jënt, che jô danfora y che ti gnô do, scraia: Osanna al Fi de Davide! Benedì sides ël, che vëgn tl inom dl Signur. Osanna tl plü alt dl cil! Canch'al ê jü ite te Ierusalem, s'à döta la cité emozioné y an damanâ: Chê é pa chësc? La jënt dijô: Chësc é le profet, Gejù da Nàzaret tla Galilea.



ANTIFONA

Crist s'á fat olghent cina ala mort,
cina ala mort söla crusc. Porchel l'á
IDî inalzé sura düc y ti á dé n inom
che é maiú co düc i atri inoms.

📖 *Letöres dla GRAN FESTA DE PASCA:*

St.Ap 10, 34a.37–43 | Col 3, 1–4 | 1 Cor 5, 6b–8 | Jan 20, 1–18

Edema liturgica dai 29.03. ai 05.04.2026

2026	Ora	Mëssa
FESTA DAL INGRES DE GEJÚ A IERÚSALEM domënia dal orí 29.03.2026 <i>Helmut, Ludolf</i> ORA NÖIA !!	10:00	Se abinun sot la scora. I mituns/ans é bel inviá a porté les stanges dal orí Benedisciun dl orí – prozesciun te dlijia S.Mëssa cun la Pasciun <i>Siur Klaus</i> aniv. + Stefanie Feichter Zingerle aniv. + Amalia Craffonara Deiacó Incuntada cun la popolaziun te palestra
LÖNESC - 30.03.2026 <i>lönesc dl'edema santa Diemut, Roswita</i>		<i>19.00 - S.M. a La Pli</i>
MERTESC - 31.03.2026 <i>dedolönesc dl'edema santa Cornelia, Guido, Beniamin</i>	7:30	S.Mëssa di scolari <i>letur: Manuela</i> aniv.+ Otto Planatscher
MERCUI - 01.04.2026 <i>dedemesaledema dl'edema santa Irene, Hugo, Gilbert</i>		---
JÖBIA - 02.04.2026 <i>JÖBIA SANTA Francesch de Paola, Maria d'Egit</i>	20:00	S.Mëssa dl'Ultima Cëna <i>Don Marco</i> ++ Milia y Milio Tasser ++ Angela y Angel Schanung Ora Santa
VËNDRES - 03.04.2026 <i>VENDRES SANC Richard, Elisabeth Koch</i>	15:00	Liturgia dl Vëndres Sanc <i>Don Marco</i> Pasciun y adoraziun dla crusc Oferta Misereor
SABEDA - 04.04.2026 <i>SABEDA SANTA Isidor, Konrad</i>		A festejé la Nöt de Pasca é düc bel inviá da to pert te na ploania vijina <i>19:30 S.Martin 19:30 Lungiarü</i> <i>19:30 Rina 20:00 La Pli</i>
GRAN FESTA DE PASCA - 05.04.2026 <i>Vinzenz Ferrer, Iuliana</i>	9:30 10:00	Corona <i>Siur Tone</i> S.Mëssa solëna por la comunité por i Crejimanc Benedisciun dl signé y dl'ega I sorvidusc se conforta do va ü o val euro (gnide do mëssa te sacrestia)



Informaziuns y terminns

Incuntada cun la popolaziun: incö domënia ai 29.03. do mëssa é dōta la comunité dër bel inviada ia te palestra al incuntada cun le Cosëi de Cōra, por de val informaziuns fora dla vita y le dagní de nosta cōra. Dedô saral ince la poscibilité de se mangé na panicia y na tutra y sté n pü adöm. Gnide tröc!

Aziun “**Na rōsa por la vita - daidé por daidé**” - La uniun dles ères vënn en Pasca do mëssa rōses a bëgn dl’ associaziun Südtiroler Krebshilfe. Bel dilan de osta spënorä.

Le mercui, ai 1 de aurí éle dales 20.00 te dlijia da La Val na **ora de oraziun por l’interzesciun de siur Heinrich Videsott** cun esposiziun dl santiscimo.

Tomades, no dilan! - L’Uniun de San Vinzenz, deboriada al Consëi de Formaziun d’Al Plan y al sorvisc infermieristich, inviëia dōtes les porsones interessades a na **incuntada de informaziun sora la prevenziun dles tomades por la jënt de tēmp**. Les referëntes Maria Maggiori y Karin Tavella mostra co fá da prevení tomades tal vita da vignidé y co che an po endo loé sö cun pücia fadia y co che an po daidé na porsona co é tomada. Se aspetun en vëndres, ai 10.04.2026 dales 14:30 ales 16:30 te salf dles manifestaziuns a Al Plan. Al ne é NIA bojëgn da se anunzié danfora.

	31.03.2026	Barbara - Luisa
	Jöbia santa	Toni – Karol – Magdalena - Marie
	Vëndres sanc	Gabriel – Maximilian – Samira - Marie
	Pasca	Joel – Karol – Samira - Raphael A. – Annalena - Maximilian C.
	Jöbia santa	Bernhard Ellecosta
	Vëndres sanc	Herbert Winkler – Angela Prada
	Pasca	Giovanna Rubatscher
	Les mius aodanzes por le compliagn ti fajunse a Pedevilla Angelina (90) . Döt le bun.	

Impressum:

Comunicaziuns:

Download:

Ploania Antermëia - redaziun Carlo Piazza
cina la jöbia sëra a carlo.piazza@hotmail.com | o tel. 3803520465
www.unitepastorala.org | www.comun.sanmartindetor.bz.it

ACOMPAGNUN NÜSC CREJIMANC CUN L'ORAZIUN

N valgügn de nusc jogn che á complí i 16 agn ciafará ai 12 de aurí – do n ann de preparaziun - le Sacramënt dla Crejima. I inviun de cör döta la comunité dai acompagné cun l'oraziun perian por ëi na novena, metan man en vëndres sanc, ai 03 de aurí.

I podëis perié la oraziun al Spirit Sant injuntada o chëra ch'i ciafëis tl "Laldun le Signur" al nr. 10. Naturalmënter podëise ince tó d'atres oraziuns. Dër bel iolan de osc sostëgn!

Oraziun al Spirit Sant

Vi, Spirit Sant – Tö Spirit dla Sapiënza.

Dëida nusc crejimanc da jì so tru dla vita cun Te, Signur, y raforzëia te ëi la fede, la speranza y l'amur.

Vi, Spirit Sant – Tö Spirit dl intelet.

Dëida nusc crejimanc da costruì süa vita sön na fondamënta sterscia y dáì la capacité da desfarenzié dagnora le bun dal mal.

Vi, Spirit Sant – Tö Spirit dla pieté.

Dëidi recordé vigni de che Tö es tres pro ëi. Insëgni da perié y da Te chirì indlunch.

Vi, Spirit Sant – Tö Spirit dl consëi.

Dëidi da tó les dërtes dezijiuns te süa vita, da damané do To consëi te vigni situaziun y da ascuté Tüa parora.

Vi, Spirit Sant – Tö Spirit dla sciënza.

Dëidi da avëi dagnora respet de döta Tüa creaziun y da dé so contribut por n monn plü bel y plü iüst.

Vi, Spirit Sant – Tö Spirit dla fortëza.

Dëidi superé sües têmes y insicurézes y scinchi le coraje da vire la fede y dala testimonié.

Vi, Spirit Sant – Tö Spirit dl timur de Dî.

Stái dlungia, por che ai se lasces condüje da Te te süa vita, por ch'ai vires dagnora aladô de Tü comandamënc y do Tüa orenté.

